

Enkuadramentu Legál ba Gabinete Ministeriál sira – Dekretu-Lei No. 27/2016

Atu garante efisiénsia no koerénsia di'ak liután iha organizasaun no funsionamentu eskritóriu iha membru Governu sira, Governu Timor-Leste aprova **Dekretu-Lei No. 27/2016**, ne'ebé estabeselese enkuadramentu legál unifikadu ida kona-ba kompozisaun, estrutura no funsionamentu eskritóriu sira-ne'e.

Diploma ida ne'e substitui normas anteriór sira, no introdús regra sira ne'ebé klaru ba rekrutamentu ba pesoál kualifikadu sira, tantu husi administrasaun públika no liuhusi kontratu ho prazu determinadu, hodi garante apoiu polítiku, tékniku no administrativu ne'ebé efétivu ba ministru no sekretáriu Estado sira.

Puntu prinsipál sira:

- **Ámbitu no Objétivu**

Define funsaun no estrutura eskritóriu ministeriál sira-nian, responsável atu fó apoiu polítiku, tékniku, administrativu no protokolu ba membru Governu sira.

- **Kompozisaun Eskritóriu sira**


Kada eskritóriu bele kompostu husi Xefe Gabinete, Asesór, Tékniku Espesialista, Sekretáriu Ezekutivu, Pesoál Apoiu Administrativu no Kondutór sira. Pesoál sira bele hetan destakamentu husi funsaun públika ka kontratadu ba prazu determinadu.

- **Membru Gabinete sira-nia knaar**


- **Xefe Gabinete** koordena atividade gabinete nian no koordena ho departamentu no servisu sira ho ministériu no insituisaun sira seluk.
- **Asesór sira no Tékniku Espesialista sira** fornese apoiu espesializadu iha sira ida-idak nia área.
- **Sekretáriu Ezekutivu no Pesoál Administrativa** sira asegura funsaun operasionál.
- **Motorista** sira responsavel atu lori no halo manutensaun ba veíku sira ne'ebé aloka ba eskritóriu.


- **Estrutura Organizasionál**

Eskritóriu sira bele iha estrutura ne'ebé define husi deketu ministeriál.



ESTRUTURA MINISTÉRIO DA ADMINISTRAÇÃO ESTATAL





Gabinete MAE

- **Nomeasaun no Terminasaun ba Funksaun sira**

Membru Gabinete sira hetan nomeasaun no ezonerasaun ho livre husi membru Governu ida-idak, no hapara sira nia funsaun wainhira hetan ezonerasaun.

- **Direitu no Garantia sira**


Membru gabinete sira mantein direitu no benefísiu hotu-hotu husi sira-nia pozisaun orijinal, no sira-nia kareira profisionál la bele hetan prejuízu husi ezersísiu funsaun sira ne'ebé sira halo iha gabinete.

- **Knaar no Remunerasaun**

Membru sira sujeita ba knaar jerál funsaun públika nian, inklui konfidensialidade. La hetan remunerasaun ba oras estrordináriu, exetu iha kazu espesífiku ruma. Membru sira husi ekipa seguransa pesoál iha direitu ba subsídiu husi risku.

- **Revogasaun no Entrada iha Vigór**

Diploma ida-ne'e revoga Dekretu-Lei No. 8/2007, ne'ebé tama iha vigór iha loron tuir mai hafoin publikasaun iha *Jornal da República*.



Gabinete MAE

Mensajem Husi Xefi Gabinete MAE – Rezumu Realizasaun Servisu sira




Ministériu Administrasaun Estatal (MAE) halo ona ezekusaun planeamentu estratéjiku, jestaun inovador, no refórma institusionál atu sustenta dezvoltimentu governansa lokál no servisu públiku ne'ebé eficiente.

Lidera husi Sua Eselénsia Primeiru Ministru Kay Rala Xanana Gusmão no orientasaun direta husi Ministru Tomás do Rosário Cabral, Vise-Ministru Jacinto Rigoberto G. de Deus, SEATOU Germano Santa Brites Dias, no SEDL Mateus W. dos Santos Tallo, Prezidente Autoridade Municipais no Prezidente Autoridade Administrativa Ataúro, no mos husi Lideransa sira husi Intituisaun direta no indireita ne'ebé tutela ba Ministériu-ne'e, hatudu ona dedikasaun maka'as atu kumpre vizaun nasional no ekipa lideransa sira seluk, MAE kontinua harii fundasaun sólidu ba descentralizasaun administrativa, implementasaun Balkaun Úniku (BU), no fortalesimentu Autoridade Municipais no Administrativas. Jestaun ne'e mós reflete esforsu kolektivu husi diresaun, ekipa téknika, no institusaun sira ne'ebé tutela ba MAE.

Kooperasaun ho provínsia Hunan (Xina), Uniaun Europeia, Australia liuhusi PARTISIPA, UNDP, KOICA, UCCLA no organizasaun internasional no nasional sira seluk mos fó kontribuisaun valiozu ba dezvoltimentu iha áreas infraestrutura, agrikultura, edukasaun, kapasidade institusionál, no governansaun lokál. Parseria sira ne'e hamosu espíritu solidariedade no responsabilidade atu sustenta dezvoltimentu sustentável iha Timor-Leste.

Além ne'e, Ministériu mos subliña interasaun hamutuk ho liñas Ministériais, Autoridade Municipál, no comunidade lokál. Interasaun ida-ne'e fó valor ba governansaun inkluzivu, hametin lideransa lokál, no partisipa comunidade sira iha prosesu dezvoltimentu. Através diálogu, kooperasaun, no implementasaun projetu sira, Ministériu Administrasaun Estatal kontinua harii ponte forte entre entidade internasional, institusaun lokál, no comunidade sira.

Ministériu mos destaka impaktu organizativu no espirital husi preparasaun boot ba Maktoban S.S. Papa Fransisco, ne'ebé oras ne'e la hamutuk ho ita iha mundu ne'e. Sua Santidade nia defuntos lori tristeza klean ba Povu Timor no mundu tomak, maibé la halakon inspirasaun no solidariedade ne'ebé nia fó ona mai Timor-Leste, no unidade nasional ne'ebé nia reforsa. Esforsu husi Ministériu MAE iha prosesu preparasaun, koordinasaun no komunikasaun hatudu knaar, kompromisu no dedikasaun profesionál, ne'ebé fó-naroman prestíjiu ba Timor-Leste iha nivel globál.



Gabinete MAE

Mudansa signifkante husi Ministériu Administrasaun Estatál sei nafatin sai hanesan símbolu mudansa, esperansa, no transformasaun ba Timor-Leste. Dedikasaun, vizaun, no espíritu kolaborativu husi ekipa no parseiru sira hamosu impaktu positivu, haburas governasaun inkluzivu, no dezvoltamentu ne'ebé harmoniozu no prósperu. Ho ligasaun ida-ne'e, ita sei kontinua harii dalan ida ba futuru ida di'ak liu ba ema hotu.

Benigno Humberto da Cruz

Xefi Gabinete – MAE